

(<https://news.usm.my>)

Berita Mutakhir ▾

27 RUMAH ALUMNI AKAN DIBINA SEMPENA SAMBUTAN AUG JUBLI EMAS USM



PULAU PINANG, 26 Ogos 2017 - Semua alumni Universiti Sains Malaysia (USM) diseru untuk menyumbang bagi membantu membina Rumah Alumni sempena Sambutan Jubli Emas USM pada tahun 2019.

Menurut Presiden Persatuan Alumni USM, Tan Sri Datuk Dzulkifli Abdul Razak yang juga mantan Naib Canselor USM, pihaknya kini dalam usaha mengumpul dana bagi merealisasikan hasrat ini dengan bantuan semua alumni USM.



"USM sangat menyokong usaha ini dan berharap ianya diperluaskan ke Kampus Kejuruteraan dan Kampus Kesihatan juga," kata Naib Canselor USM Profesor Datuk Dr. Asma Ismail di majlis makan malam Jom Balikampus 2017 yang diadakan di sini hari ini.

Seramai lebih kurang 250 alumni USM sejak 1971 hadir memeriahkan program sehari Jom Balikampus 2017 di Kampus Induk USM dengan pelbagai acara menarik termasuk jamuan makan malam.



Pada majlis yang sama, dua orang staf USM dinobatkan sebagai Tokoh Awesome iaitu Pensyarah Kanan Pusat Pengajian Sains Farmasi, Profesor Dr. Mohamed Azmi Hassali dan juga Pegawai Kebudayaan Kanan, Bahagian Hal Ehwal Pembangunan Pelajar dan Alumni, Zulkefli Che Hussin.

Jom Balikampus dianjurkan oleh PAUSM setiap dua tahun sekali berselang seli dengan Majlis Makan Malam Sirih Pulang ke Gagang.



Turut hadir ialah Penaung PAUSM yang juga Pro Canselor USM Tan Sri Datuk Mustafa Mansur, suami Naib Canselor Profesor Dato' Dr. Ahmad Zakaria, Timbalan-timbalan Naib Canselor dan para alumni USM dari pelbagai tahun graduasi.

Teks: Nor Rafizah Md Zain



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>). | USM News Portal. Hakcipta Terpelihara USM 2015